

第三處：入法界

(三會)

一. 舍衛城祇樹給孤獨園

二. 福城東大塔廟

三. 善財童子五十三參



入 法 界 品

三. 善財童子五十三參

十 住	
初發心住	德雲比丘
治地住	海雲比丘
修行住	善住比丘
生貴住	彌伽長者
具足方便住	解脫長者
正心住	海幢比丘
不退住	休捨優婆夷
童真住	毘目多羅仙人
法王子住	方便命婆羅門
灌頂住	彌多羅尼童女

入法界品善財童子五十三參之初會德雲比丘(初住)之一

會 處		南方，可樂國，和合山。
善財童子	聞教信行	時，善財童子從文殊師利，聞法歡喜，頭面禮足，遶無數匝；瞻仰悲戀，泣涕辭退。
	見善知識	漸漸南行，向可樂國，登和合山；於彼山中，十方周遍，一心觀察，求覓太師，為在何所；如是尋求，乃至七日。爾時，善財見彼比丘，乃在山頂，靜思經行，
	發心陳述法門徵詢	見已馳詣，頭面禮足，右遶而住，白言：大聖！我已先發阿耨多羅三藐三菩提心，而未知菩薩云何學菩薩行、修菩薩道。我聞大師，善能宣暢，唯願垂慈，具足演說。
初住位——德雲比丘（佛波羅蜜）	讚歎發心	時，彼比丘告善財言：善哉！善哉！善男子！乃能發阿耨多羅三藐三菩提心，問菩薩行。善男子！如是事者，難中之難，
		所謂：能問菩薩所行，修菩薩道，入菩薩境界，出生清淨菩薩之道，求於菩薩清淨廣心；具足諸願，隨順世間所應化者，於生死中，求解脫門；有為無為，心不染著。
	決定解力普見諸佛	善男子！我於解脫力，逮得清淨方便慧眼，普照觀察一切世界，境界無礙；除一切障、一切佛化陀羅尼力；
	見於東方無量數佛	或見東方一佛、二佛、十百、千萬、十億、百億、千億、百千億佛；或見百億那由他、千億那由他、百千億那由他佛；或見無量阿僧祇、不可思議、不可稱、無分齊、無邊際、不可量、不可說、不可說不可說佛；或見閻浮提微塵等佛；或見四天下微塵等佛；或見小千世界微塵等佛；或見二千世界微塵等佛；或見三千大千世界微塵等佛。南、西、北方，四維，上、下，亦復如是；
	見於十方無量數佛	種種形色、種種自在，遊戲神通；種種眷屬莊嚴，放大光網；種種清淨莊嚴佛刹，隨受化者，示現自在菩提法門；見諸如來，於大眾中而師子吼。
	自法門	善男子！我唯知此普門光明，觀察正念諸佛三昧；豈能了知菩薩圓滿清淨智行？諸大菩薩，（依自性地涅槃十波羅蜜及菩薩十波羅蜜念佛）
	涅槃十波羅蜜念佛	佛 得圓滿普照念佛三昧門，悉能觀見一切諸佛及其眷屬，嚴淨佛刹；
		法 得一切眾生遠離顛倒念佛三昧門，隨一切眾生所應，悉令清淨；
		僧 得一切力究竟念佛三昧門，正念修習諸佛十力；
		精進 得諸法中心無顛倒念佛三昧門，悉得觀見一切佛雲，於彼佛所，聞法受持；
		禪定 得分別十方一切如來念佛三昧門，悉見一切世界海中諸如來海；
		般若 得不可見不可入念佛三昧門，於微細境界見一切佛自在境界；
		方便 得諸劫不顛倒念佛三昧門，於一切劫常見諸佛未曾遠離；
		願 得隨時念佛三昧門，於一切時常見諸佛；
		力 得嚴淨佛刹念佛三昧門，起一切佛刹無能壞者，普見諸佛；
		智 得三世不顛倒念佛三昧門，悉見三世諸佛及其眷屬；
	菩薩念佛	佛 得無壞境界念佛三昧門，於一切境界悉見諸佛；
		法 得寂靜念佛三昧門，於一念中悉見一切世界中一切如來示現涅槃；
		僧 得離月離時念佛三昧門，於一日中悉見一切如來遊行教化；
	精進	得廣大念佛三昧門，見一佛身結跏趺坐充滿法界；

入法界品善財童子五十三參之初會德雲比丘(初住)之二

德雲比丘(佛)	菩薩波羅蜜念佛	禪定	得微細念佛三昧門，於一毛孔見一切佛成等正覺；
		般若	得莊嚴念佛三昧門，於一念中見一切佛於一切世界，成等正覺，神力自在；
		方便	得清淨事念佛三昧門，見一切佛，慧光普照，轉妙法輪；
		願	得淨心念佛三昧門，自心明了見一切佛；
		力	得淨業念佛三昧門，見一切眾生諸業如鏡中像；
		智	得自在念佛三昧門，見一切莊嚴法界諸佛充滿；
	總說		得虛空等念佛三昧門，見如來身普照法界，及虛空界。
推薦精進			爾時，功德雲比丘告善財言：善男子！南方有國，名曰海門；彼有比丘，名曰海雲；汝應詣彼，問菩薩行。善男子！彼比丘者，
	十波羅蜜勸進	佛	能分別說善根，
		法	具因善根、
		僧	大地善根、
		精進	大力善；
		禪定	能讚歎菩提因緣，廣摩訶衍，
		般若	增廣波羅蜜力，
		方便	顯現一切菩薩行海；
		願	善能清淨圓滿大願，
		力	能令出生清淨普門，莊嚴法門，
		智	生大悲力。

*善財童子相續參訪五十三善知識，皆有當位善知識引薦下一位善知識者，此義有十，一者後法乃當位法所能生起，二者勸諭精進法無定法，三者法入微細，四者迴向廣大，五者所依相同，六者同根異義，七者方便力用，八者隨心現量，九者破諸疑惑，十者二智圓滿。

入法界品善財童子五十三參之第二會海雲比丘(二住)之一

會 處		南方，海門國。
善財童子參訪二住位	聞教信行	時，善財童子從功德雲比丘，聞法歡喜，頭面禮足，遶無數匝，眷仰顧戀，辭退南行。
	契入前法正念觀察	爾時，善財童子一心正念善知識教，智慧光明菩薩法門菩薩三昧；
		觀察一切菩薩諸方便海圓滿功德；
		心常樂見一切菩薩，念一切佛，次第興世，清淨功德。(一心思維善知識教，契入德雲比丘之普門光明法門)
	見善知識	漸趣南方海門國土，詣海雲比丘；頭面禮足，右遶畢，退住一面，白言：
	發心陳述	大聖！我已先發阿耨多羅三藐三菩提心，欲度一切智慧大海，
	欲入無上智海法門徵詢	佛 而未知菩薩云何離生死性，得不退轉；
		法 生如來家，度生死海，逮得如來一切智海；
		僧 捨凡夫地，得如來地；
		精進 斷生死流，入菩薩流；
		禪定 滅諸趣輪，滿諸願輪；
		般若 降伏眾魔，具佛功德；
		方便 竭愛欲海，長大悲海；
		願 閉諸惡道，開天人路諸解脫門；
		力 出三界城，到一切智城；
		智 捨離一切玩好之具，發弘誓願，攝取眾生？
海雲比丘成就二住位	發菩提心十種善根具足	爾時，海雲比丘告善財言：善男子！汝已發阿耨多羅三藐三菩提心耶？
		答言：唯然。
		善男子！若不深植善根，則不能發阿耨多羅三藐三菩提心，得普門善根，普照光明法門；長養正道三昧慧光，出生種種功德海藏；長白淨法，未曾退失；親近善知識，恭敬供養，不惜身命，無所藏積；離諸高慢，心安不動，猶如大地；大慈愍念一切群生，遠離一切諸生死門。好樂佛境界者，能發菩提心。(十波羅蜜善根成就為前行法)
	十一種發菩提心	佛 大悲心，救護一切眾生故；
		法 大慈心，安樂一切眾生故；
		僧 無疲倦心，滅一切眾生諸苦惱故；
		精進 饒益心，滅一切眾生不善法故；
		禪定 無畏心，除滅一切諸惱害故；
		般若 無礙心，滅一切障故；
		方便 廣大心，充滿一切法界故；
		願 無邊心，等虛空界故；
		力 廣心，見一切如來故；
		智 清淨心，於三世法智不違故；
	總說	智心，究竟一切智海故。

入法界品善財童子五十三參之第二會海雲比丘(二住)之二

海雲比丘成就二住位——法波羅蜜	依十波羅蜜於生死法起十種思維		善男子！我住此海門國十有二年，境界大海，觀察大海。（依十波羅蜜發十種入生死法界思惟）
		佛	思惟大海，無量無邊；
		法	思惟大海，甚深難得源底；
		僧	思惟大海，漸漸深廣；
		精進	思惟大海，無量妙寶而莊嚴之；
		禪定	思惟大海，無量水聚；
		般若	思惟大海，水色種種，不可思議；
		方便	思惟大海，大身眾生之所依止；
		願	思惟大海，水性所居；
		力	思惟大海，大雲彌覆；
		智	思惟大海，未曾增減。
			善男子！我如是思惟時，復作是念：世間頗更有法廣此大海，深此大海，莊嚴於此大海者不？
	當位修法——於生死法界見如來不可思議		作是念已，即見海底水輪之際，妙寶蓮華自然涌出。伊那尼羅寶為莖，閻浮檀金為葉，沈水香寶為臺，碼碯寶為鬚，彌覆大海。
		十二種世間顯現	百萬阿脩羅王悉共執持；
			百萬摩尼寶莊嚴網，羅覆其上；
			百萬龍王，雨以香水；
			百萬迦樓羅王，銜妙寶繒帶，垂下莊嚴；
			百萬羅剎王，慈心觀察；
			百萬夜叉王，恭敬禮拜；
			百萬乾闥婆王，讚歎供養；
			百萬天王，雨天香華、末香幢幡、妙寶衣雲；
			百萬梵王，稽首敬禮；
			百萬淨居天，各敬禮已，合掌而住；
			百萬轉輪王，七寶莊嚴；
			百萬海神王，從大海出，恭敬禮拜。
		佛	百萬夜光寶光明網，普照一切；
		法	百萬淨寶，
		僧	百萬明淨寶，以為莊嚴；
		精進	
		禪定	百萬寶藏，出無量光明，普照一切；
		般若	百萬閻浮檀寶，安住莊嚴；
		方便	百萬金剛師子寶，不可沮壞，清淨莊嚴；
		願	百萬日藏寶，明淨光明，普照一切；
		力	百萬不可壞摩尼寶，出生長養一切善行；
		智	百萬如意寶珠，無盡莊嚴。彼寶蓮華，

入法界品善財童子五十三參之第二會海雲比丘(二住)之三

海雲比丘成就二住位——法波羅蜜	當位修法——於生死法界見如來不可思議	因善思維於生死法界見大蓮花		如來無上善根所起，悉令一切菩薩諸願成滿，十方世界無不顯現；出生一切諸法如幻，從淨法生，無諍方便法之所莊嚴；行如夢法，無為法印，究竟到於無礙方便；普覆十方一切法界，唯佛境界，隨順世間無量阿僧祇劫，歎不可盡。
		見如來無量不可思議		見彼華上，有一如來結跏趺坐，彼佛淨身，上至非想非非想天，無不充滿。
			佛	見彼如來坐此莊嚴寶蓮華座，
			法	不可思議大眾圍遶，
			僧	見不可思議圓滿光明莊嚴；
			精進	見不可思議相好莊嚴、
			禪定	見不可思議神力自在、
			般若	見不可思議如來妙色、
			方便	見不可思議無見頂相、
			願	見不可思議廣長舌相、
			力	念不可思議清淨音聲、
			智	思惟不可思議圓滿音聲、
		菩薩十波羅蜜隨好	佛	見不可思議如來諸力、
			法	解了不可思議清淨無畏、
			僧	解了不可思議一切諸辯、
			精進	憶念菩薩過去不可思議大劫本行、
			禪定	見不可思議菩提自在、
			般若	見不可思議正法雲、
			方便	見不可思議普門莊嚴身、
			願	
			力	見不可思議身左右端嚴、
			智	見辦一切不可思議事，饒益眾生。
		受佛加持成就普眼法門		時，彼如來即申右手，而摩我頂，說普眼經。唯是如來境界，出生一切菩薩淨行、普照一切法界、攝取圓滿一切法界、普照一切嚴淨佛刹、降伏一切眾魔外道、悉令一切眾生歡喜、普照一切眾生所行隨其所應無不顯現、普照一切眾生根輪。
				善男子！我從佛聞此普眼經，皆悉受持，讀誦通利，正念思惟。善男子！假使有人以大海等墨，須彌聚筆，書寫此經，一一品、一一法門、一一方便、一一生法門、一一句中義味，猶不能盡。
		普受持法門說		善男子！我於佛所千二百歲，聞受此經；於一一日，
			佛	受阿僧祇品，多聞陀羅尼光明力故；
			法	究竟阿僧祇品，百門陀羅尼光明力故；
			僧	攝取阿僧祇品，無量旋陀羅尼光明力故；
			精進	分別阿僧祇品，隨順分別諸地陀羅尼光明力故；

入法界品善財童子五十三參之第二會海雲比丘(二住)之四

海雲比丘成就二住位——法波羅蜜	受持演說普眼法門	禪定	淨阿僧祇品，嚴勝陀羅尼光明力故；
		般若	出生阿僧祇品，隨諭莊嚴陀羅尼光明力故；
		方便	說阿僧祇品，明淨音聲陀羅尼光明力故；
		願	照阿僧祇品，虛空藏陀羅尼光明力故；
		力	廣阿僧祇品，樹提沙陀羅尼光明力故；
		智	成阿僧祇品，海藏陀羅尼光明力故。
			其有十方諸天、天王；諸龍、龍王；夜叉、夜叉王；乾闥婆、乾闥婆王；阿修羅、阿修羅王；迦樓羅、迦樓羅王；緊那羅、緊那羅王；人、人王；梵天、梵天王；若來問我，我即為彼開發顯現，分別讚說，悉令安住此普眼經。
	自法門		善男子！我唯知此一法門，豈能盡知菩薩諸行；何以故？諸菩薩等，
	自宗門——十波羅蜜精進	佛	究竟一切行故；
		法	究竟大願海，一切劫海不斷絕故；
		僧	入眾生海，應受化者悉隨順故；
		精進	深入一切眾生心海，出生如來十力智光明故；
		禪定	悉知一切眾生諸根，隨所應化，不失時故；
		般若	入一切佛刹海，出生佛刹堅固願故；
		方便	究竟恭敬供養一切佛海，大願力故；
		願	度一切法海，解脫智故；
		力	深入功德海，如說修行故；
		智	度一切眾生語言海，於十方刹轉法輪故。
	推薦精進		善男子！汝詣南方六十由旬，有一國土，名曰海岸；彼有比丘，名曰善住；應往問彼云何菩薩修清淨行。（六十由旬即六波羅蜜成就之六根清淨，成就此法而入世間法界。）

入法界品善財童子五十三參之第三會善住比丘(三住)之一

會 處		南方，海岸國。
善財童子參訪三住位	聞法信行	時，善財童子頭面禮足，遶無數匝；眷仰無量，辭退南行。
	前法契入	爾時，善財童子正念善知識教，正念普眼經，思惟彼佛自在神力，受持彼佛句味法雲。修習正法，入深法海；盡法源底，攝取勝法；除滅癡瞋，了法寶洲。
	無見量善天眾圍遶虛善住中成經就	至海岸國，周遍十方，推求大師，今在何所？見彼比丘，經行虛空，阿僧祇天眷屬圍遶。…（八部天眾圍遶，法界善住成就）
		時，諸天眾為供養善住比丘故，於虛空中，散諸天華；作眾妓樂，出微妙音；阿僧祇寶幢，莊嚴虛空。
		時，諸龍王為供養故，興不可思議沈水香雲，遍滿虛空；
		緊那羅王為供養故，作諸妓樂，出妙音聲，充滿虛空；
		諸海神王為供養故，嘯和雅音；
		阿脩羅王為供養故，興不可思議寶雲，莊嚴虛空，放不可思議光明，普照一切，以不可思議珍玩之具，莊嚴虛空。
		不可思議緊那羅王，充滿虛空，離殺害心，恭敬供養善住比丘；
		不可思議諸羅刹王，與諸惡形羅刹鬼等，眷屬圍遶，充滿虛空，善住比丘大慈力故；
		不可思議諸夜叉王，與夜叉眾俱，充滿虛空，為守護善住比丘故，周匝圍遶；
		不可思議諸梵天王，在虛空中，合掌敬禮，以人音聲，讚彼比丘，於一面住；
		不可思議諸淨居天，與宮殿俱，為供養故，詣善住比丘。
	發心陳述	爾時，善財童子見虛空中，如是供養，合掌敬禮善住比丘，白言：大聖！我已先發阿耨多羅三藐三菩提心，（問二十法）
	涅槃十波羅蜜	佛 而未知菩薩云何正向佛法、
		法 專求佛法、
		僧 恭敬佛法、
		精進 修諸佛法、
		禪定 長養佛法、
		般若 積集佛法、
		方便 熏修佛法、
		願 淨諸佛法、
		力 遍淨佛法、
		智 至諸佛法。
	菩薩十波羅蜜	我聞大聖，善能教授諸菩薩法；
		佛 云何菩薩修習佛法，常見諸佛，未曾遠離；
		法 常見菩薩，同其善根；
		僧 不離佛法，智慧滿足；
		精進 不捨大願於一切眾生，究竟其事；
	禪定	於一切劫，修菩薩行，心無疲倦；

入法界品善財童子五十三參之第三會善住比丘(三住)之二

善財童子	菩薩法	般若	不捨佛刹，普能莊嚴一切世界；
		方便	悉能知見諸佛自在；
		願	不離有為，修菩薩行，悉了如幻，入一切趣；
		力	現受生死而無起滅，常聞正法，未曾遠離；
		智	悉能受持諸佛法雲，不離慧光，普照三世？
善住比丘成就普速疾供養諸佛成就眾生無礙解脫門	讚歎發心		爾時，善住比丘告善財言：善哉！善哉！善男子！乃能發阿耨多羅三藐三菩提心，能問佛法，一切智法及無師法。
	當位涅槃十波羅蜜		善男子！我已成就菩薩無礙法門，我已修習分別明了逮得無礙明淨慧光。得慧光已，
		佛	觀察一切眾生心行，無所障礙；
		法	觀一切眾生，死此生彼，無所障礙；
		僧	於宿命智，無所障礙；
		精進	於未來智，無所障礙；
		禪定	於現在世，知一切眾生，無所障礙；
		般若	於一切眾生語言法中，無所障礙；
		方便	若一切眾生，來問難者，悉能應答，無所障礙；
		願	知一切眾生根，無所障礙；
		力	教化眾生，無所障礙；
		智	分別了知一切剎那、羅婆、摩睺羯路，無所障礙；
		本體	於三世海無所障礙；(本體)
			己身充滿十方佛刹，無所障礙。(力用)
			何以故？依無所有，無作神通力故。
	當位菩薩神通力故十方世界隨意自在		善男子！我得此神通力故，
			於虛空中，行、住、坐、臥，遊騰十方；於一念中，遍至東方一佛世界；百佛世界；千佛、百千佛、無量佛世界；乃至不可說不可說諸佛世界，閻浮提微塵等世界；乃至不可說不可說佛刹微塵等世界，悉得覩見彼世界中，一切諸佛，及其眷屬，以一切華香、末香、塗香、寶鬘幢幡，雜綵繒蓋，眾妙寶網，一切形像，供養彼如來、應供、等正覺。彼諸如來所可開現宣明讚歎，悉聞受持，分別通達；彼佛所有過去淨刹，我悉憶念；
			南、西、北方，四維，上、下，亦復如是。若有眾生，得見我者，皆悉畢定阿耨多羅三藐三菩提；如我所見一切眾生，若大、若小，若好、若醜，若苦、若樂，為化度故，隨其所應，現同彼身。若有眾生，來至我所，悉令安住於此正法。(入境界自在，度化眾生自在)
	自法門		善男子！我唯知此一無礙法門，
	自宗門	涅槃	云何能說菩薩修大悲戒、
			諸波羅蜜戒、
			乘大乘戒、

入法界品善財童子五十三參之第三會善住比丘(三住)之三

善住比丘成就普速疾供養諸佛成就眾生無礙解脫門	自宗門——二十種戒成就入法界善住	涅槃十波羅蜜	不捨菩薩道戒、
			滅障礙戒、
			菩薩藏戒、
			不捨菩提心戒、
			一切佛法深心戒、
			念一切智不忘失戒、
			如虛空戒、
		菩薩十波羅蜜	一切世間無所依戒、
			不可壞戒、
			無譬諭戒、
			不濁戒、
			不雜戒、
			離疑戒、
			清淨戒、
			離塵戒、
			離垢淨戒？
			善男子！菩薩有如是等無量功德，我豈能知，如實解說？
	推薦精進		善男子！於此南方，有一國土，名曰自在，城名呪藥；彼有良醫，名曰彌伽。汝詣彼，問云何菩薩向菩薩行。

入法界品善財童子五十三參之第四會彌伽長者(四住)之一

會 處		南方，自在國，呪藥城。
善財童子參訪第四住位	聞法信行	時，善財童子禮善住比丘足，乃至辭退南行。
	前法契入	爾時，善財童子一心正念法光法門，具足法力；正念諸佛，不斷三寶，歎離欲性，念善知識，普照三世；念諸大願，究竟一切法界眾生；於一切有為，心無所著；觀察一切諸法無常，悉能嚴淨一切佛刹，心無懈怠；於一切佛，及其眷屬，心無所著。
	見善知識	漸至彼國，入呪藥城，求良醫彌伽，今在何所？爾時，童子見彼良醫，處正法堂，論師子座，與一萬大眾前後圍遶，為說輪字莊嚴光經。時，善財童子詣醫彌伽，頭面禮足，右遶畢，退住一面。
	法門徵詢十二種云何入法界行	合掌白言：大聖！我已先發阿耨多羅三藐三菩提心，（十二云何，二總十別）
		而未知菩薩云何向菩薩行？（理）
		云何學菩薩行？（事）
		總說
		佛
		法
		僧
		精進
		禪定
		般若
		方便
		願
		力
		智
彌伽長者成就十住位精進波羅蜜	發真實心	爾時，良醫謂善財言：善男子！汝已先發阿耨多羅三藐三菩提心耶？答言：唯然。
	禮敬讚歎發心功德	爾時，良醫下師子座，五體投地，敬禮善財；禮已，散妙金華，諸雜寶華、無價摩尼、勝末栴檀、無價寶衣，而以覆之；以如是等眾妙供具而供養之；敬重讚歎，作如是言：
	發心則得涅槃十波羅蜜成就	善哉！善哉！善男子！乃能發阿耨多羅三藐三菩提心。善男子！若有能發阿耨多羅三藐三菩提心者，…（十種自成就及十二種入法界成就）
		佛
		法
		僧
		精進
		禪定
		般若
		方便
		願
		力
		智
	佛	則為守護一切佛性；
	法	嚴淨一切諸佛刹性；
	僧	化眾生性；
	精進	為一切眾生，說如法性；
	禪定	順一切業性；
	般若	成滿一切菩薩行性；
	方便	不斷一切諸大願性；
	願	解離欲性智慧明淨；
	力	普照三世一切法性；
	智	建解脫性；

入法界品善財童子五十三參之第四會彌伽長者(四住)之二

彌伽長者成就十住位精進波羅蜜	發心則得智為先導入法界行	根本智成就	為一切佛之所護持；
			一切諸佛常共護念；
			善能隨順一切菩薩；
		入世間行法成就	一切賢聖皆悉隨喜；
			為一切梵天恭敬禮拜；
			一切諸天恭敬供養；
			一切夜叉王之所建立；
			一切羅刹王恭敬供養；
			一切龍王而頂戴之；
			一切緊那羅王敬心讚歎；
			一切世界王皆悉敬念。
			彼為安慰一切眾生，滅三惡道，遠離眾難，救拔一切貧窮根本，安置天人快樂之處；遇善知識，未曾遠離；聞佛妙法，發菩提心；因淨菩提心枝，得明淨光，照菩薩道，順菩薩智，住菩薩地。(十一種入法界菩薩行)
	菩薩所做甚難見菩薩者倍更難有		善男子！當知菩薩能為一切眾生，作甚難事，難值難見；
			為一切眾生而作父母，莊嚴眾生；
			攝取一切諸天世人，除滅眾生無量苦難；
			守護眾生，遠離憂惱。
	三寶為先導十波羅蜜成就	成就三寶	菩薩為大風輪，安持眾生，不令墜落三惡道故；
			菩薩為大地，生長一切諸善根故，
			菩薩為大海，具足無盡功德藏故；
		佛	菩薩為日，明淨慧光，普照世間滅癡闇故；
		法	菩薩為須彌山王，功德善根，最高大故；
		僧	菩薩為月，令一切眾生，悉清涼故；
		精進	菩薩為大將，悉能降伏一切魔故；
		禪定	菩薩為善丈夫，於法城中，為君王故；
		般若	菩薩為火，能燒眾生諸貪愛故；
		方便	菩薩為雲，雨甘露法故；
		願	菩薩為正見，悉能長養諸妙根故；
		力	菩薩為方，顯法海故；
		智	菩薩為橋，令諸眾生度生死海故。
	彌伽長者放光說法		爾時，良醫稱揚讚歎善財童子，及諸菩薩已，即從口中，放大光雲，普照三千大千世界；照已，時大千世界大神力天，乃至諸梵天等，悉詣良醫。時，彼良醫即為方便隨順，分別廣演顯現，說輪字莊嚴光經；時，彼大眾聞此經已，於阿耨多羅三藐三菩提得不退轉；
	還昇本座說當位法		所應作已，還昇本座，告善財言：善男子！我已成就所言不虛法門，分別了知三千大千世界，諸天語言，諸龍、夜叉、乾闥婆、阿脩羅、迦樓羅、緊那羅、摩睺羅伽、人非人等，一切語言；如此三千大千世界，十方無量無邊，不可說不可說三千大千世界，亦復如是。

入法界品善財童子五十三參之第四會彌伽長者(四住)之三

彌伽長者成就十住位精進波羅蜜	自法門	善男子！我唯知此菩薩所言不虛法門。
	自宗門——入法界微細精進	云何能說諸菩薩行？彼諸菩薩，
		隨順深入眾生一切相海、
		隨順深入眾生一切施設海、
		隨順深入諸名號海、
		隨順深入諸語言海、
		隨順深入諸句相續海、
		隨順深入諸解說句次第海、
		隨順深入諸解說句相續次第海、
		隨順深入諸如來海、
		隨順深入分別諸句海、
		隨順深入一切眾生諸語言海，
		逮得一切圓滿莊嚴，微妙音聲，出生分別諸文字輪。
	推薦精進	善男子！於此南方，有一國土，名曰住林；彼有長者，名曰解脫。汝詣彼問云何菩薩向菩薩道，修菩薩道，成菩薩道，思菩薩道。

入法界品善財童子五十三參之第五會解脫長者(五住)之一

會 處			南方，住林聚落。		
善財童子參訪第五住禪定波羅蜜位	聞法信行		時，善財童子於良醫所，聞此法門，發深淨信心，恭敬於法，決定知見，因善知識，得薩婆若；頭面禮足，乃至辭退南行。		
	以十波羅蜜法成就為先導入法界清淨行成就	總說	爾時，善財童子正念菩薩所言不虛法門：（成就二十一法）		
		涅槃十波羅蜜成就	佛	入菩薩語言海、	
			法	念一切眾生微細方便海、	
			僧	思惟菩薩諸垢淨法、	
			精進	出生菩薩善根光明、	
			禪定	淨修菩薩教化眾生巧方便門、	
			般若	明淨菩薩攝眾生智、	
			方便	堅固菩薩正直心力、	
			願	長養菩薩深心之力、	
			力	淨修菩薩種種欲力、	
			智	信菩薩心遠離諸惡。	
		菩薩十波羅蜜成就	佛	願心堅固，以大莊嚴而自莊嚴，心無疲倦，勇猛精進，心不退轉，	
			法	具不可壞淨信心力，金剛那羅延所不能壞；	
			僧	攝取一切善知識教，無礙境界皆悉清淨；	
			精進	無垢境界，妙心現前；	
			禪定	逮得普眼方便光明陀羅尼地，了法界地，心常現前；	
			般若	知平等地非地，莊嚴清淨，不著我所；無二境界，逮得清淨無礙智慧。	
			方便	了知法地無所障礙；知諸方地而不退轉；	
			願	分別了知一切業地；嚴淨顯現諸佛大地；	
			力	得智慧輪，分別三世，逮得普樂光明三昧，遍照身心，順至一切諸境界地。如來智慧，普照境界，興起一切智慧波浪；	
		智	身常不離佛法勢力，為諸如來之所護持；其心悉與一切佛等，隨順智慧，普照一切；其身充滿一切剎網，成就大願，已身容受一切法界。		
	歷十二年見善知識		如是念已，漸漸遊行，經十二年，至住林國；周遍推求解脫長者。		
			見已，禮足，於一面住，作如是念：我得善利，見善知識。善知識者出興世難、至其所難、得值遇難、得見知難、得親近難、得共住難、得其意難、得隨順難。		
	善財童子發心陳述		念已，白言：大聖！我已先發阿耨多羅三藐三菩提心，（三十種以覺悟心入法界發心因緣，此處缺文，請參考四十華嚴結構）		
			欲值一切佛；		
			欲見一切佛；		
			欲得一切佛意；		
			欲知一切佛心；		
			欲得一切諸佛三昧；		

入法界品善財童子五十三參之第五會解脫長者(五住)之二

善財童子參訪第五住禪定波羅蜜位	本體與一切諸菩薩眾同一體之自性修證成就	隨順一切佛一切大願；
		欲滿一切佛一切大願；
		欲求一切佛智慧光明；
		欲自身中出一切佛；
		欲得諸明，知一切佛自在神通；
		欲淨一切佛力無畏法；
		欲聞一切佛法，心無厭足；
		欲受一切佛法；
		欲持一切佛法；
		欲分別一切佛法；
		欲護一切佛教；
		欲與一切諸菩薩同；
	圓滿禪定位依入於波羅蜜	欲與菩薩同善根友；
		欲具菩薩諸波羅蜜；
		欲滿一切諸菩薩行；
		欲發菩薩清淨大願；
		欲得一切諸佛菩薩因緣法藏；
		欲得一切菩薩無量法藏智慧光明；
		欲得一切菩薩諸三昧藏；
		欲出生一切菩薩諸通明藏；
		欲發大悲藏教化眾生無有窮盡；
		欲分別知遊戲神通藏；
		欲分別知自在之藏；
		欲於自在藏，心得自在；
	述已成就	欲清淨十種藏，一向專求此諸功德，詣長者所；欲滿諸願；欲超出生死；欲得自在法；欲具恭敬門；欲具方便門；欲遠離諸垢；欲清淨莊嚴；欲身心柔軟；欲調伏諸根。
	聞善知識法門功德以自成就令他成就	白言：我聞大聖，善教菩薩方便正道，普照一切顯現妙法；示導津濟，開正法門；除滅顛倒，拔疑惑刺；心離迷垢，照除重闇；離諸煩惱，永得清涼；棄捨諂曲，超出生死；離不善根，長養善根；遠離諸趣，無所染著；滅一切障，求薩婆若；到法王城，其心安住大慈大悲；教菩薩行，修諸三昧；其心安住隨順法門，發廣大心；具足諸力，照明一切諸群生心。
	徵詢	唯願大聖為我分別云何菩薩向菩薩道，修菩薩道；既修習已，令速清淨菩薩之行，具成菩薩圓滿淨行？
解脫長者	入三昧	佛波羅蜜
		時，解脫長者以過去善根力、佛威神力、文殊師利憶念力故，入菩薩三昧門；其三昧門，名攝一切佛刹無量旋陀羅尼。入已，得清淨身；於其身內，十方各見十佛世界微塵等佛，及嚴淨刹，一切大眾過去所行。彼諸如來，神力自在，一切大願功德之具；諸清淨行，莊嚴正道，成等正覺，轉淨法輪，教化眾生，究竟諸法。

入法界品善財童子五十三參之第五會解脫長者(五住)之三

解脫長者成就禪定十波羅蜜入法界	長者入陀羅尼三昧	法波羅蜜	於其身內，皆悉顯現而無雜亂，不相障礙；如本相住，形色不同，種種莊飾；菩薩大眾，圍遶莊嚴，顯現一切諸佛自在，說諸願門，示現無量自在神力。或於一刹，處兜率天，而作佛事；或於一刹，示現命終；或現受胎；或現處胎，顯自在力；或現出生；或現處中宮；或現出家；或現往詣莊嚴道場；或現降魔；或現成佛；或現天宮、夜叉、乾闥婆、諸世界王，大眾圍遶，請轉法輪；或現轉法輪；或現入諸趣；或現般涅槃；或現分舍利；或現起塔種種莊嚴。
		僧波羅蜜	彼諸如來，為種種眾生，諸眾生海，種種方便、種種根、種種煩惱習氣；或於小眾而現大眾，所謂：一由旬眾現十由旬眾，乃至不可說佛刹微塵等由旬眾，而為說法。
			彼諸如來以微妙音所說正法，善財童子悉聞受持；又見彼佛自在神力，不可思議菩薩三昧。
	入出如來無礙莊嚴解脫門見十方世界		爾時，解脫長者從三昧起，告善財言：善男子！我已成就如來無礙莊嚴法門。得此法門已，
		東	觀見東方閻浮檀光世界，星宿王如來、應供、等正覺，明淨藏菩薩等一切大眾；
		南	又見南方諸力世界，普香如來、應供、等正覺，心王菩薩等一切大眾；
		西	又見西方香光世界，須彌燈王如來、應供、等正覺，無礙心菩薩等一切大眾；
		北	又見北方聖服幢世界，自在神力無有能壞如來、應供、等正覺，自在勢菩薩等一切大眾；
		東北	又見東北方一切樂寶世界，無礙眼如來、應供、等正覺，無礙化菩薩等一切大眾；
		東南	又見東南方香焰光世界，香智如來、應供、等正覺，自在慧焰光菩薩等一切大眾；
		西南	又見西南方普照慧日世界，法界輪幢如來、應供、等正覺，散一切化幢菩薩等一切大眾；
		西北	又見西北方普淨現世界，一切佛寶無上幢如來、應供、等正覺，法幢王菩薩等一切大眾；
		上方	又見上方無盡佛性世界，無量慧光圓滿幢如來、應供、等正覺，法界地幢王菩薩等一切大眾；
		下方	又見下方佛解脫光世界，無礙慧幢如來、應供、等正覺，一切眾生世界幢王菩薩等一切大眾。
	見十方如來不來不往		善男子！我見十方各一萬佛刹微塵等如來；彼諸如來不來至此，我不往彼。
			善男子！我若欲見安樂世界，無量壽佛，隨意即見。妙樂世界，阿閼如來；善住世界，師子如來；善現圓滿光明世界，月慧如來；寶師子莊嚴世界，毘樓遮那如來；(五佛，五世界)
			善男子！如是等一切諸佛，隨意即見。彼諸如來，不來至此，我不往彼。知一切佛無所從來，我無所至；知一切佛，及與我心，皆悉如夢；知一切佛，悉如電光，了知己心，如水中像；知一切佛，皆悉如幻，己心亦爾；知一切佛，音聲如響，己心亦爾。如是知，如是解，如是入。

入法界品善財童子五十三參之第五會解脫長者(五住)之四

解脫長者成就禪定十波羅蜜入法界	自心即是佛菩薩法		善男子！當知菩薩皆由己心得諸佛法，修菩薩行，淨一切剎；教化眾生，出諸大願；一切智城，遊戲神通不思議門；諸佛菩提，一切自在，無礙境界，皆由己心，具甚深智，了一切法。
	應以善法扶助自心		是故，善男子！以諸善根增長己心，雨甘露法，潤澤其心；於境界中，令心清淨，勤修精進；令心堅固，專念正法；令心不亂，智慧明淨，遠離心垢；明淨慧光，照察其心，生自在心，發廣大心，與諸佛等如來十力，以照其心。
	自法門		善男子！我唯修此如來無礙法門。
	自宗門——十波羅蜜精進	佛	云何能說菩薩諸行，無障礙智，無礙淨行；
		法	安住觀察現在諸佛三昧，得無涅槃三昧；
		僧	具足三世平等正法；
		精進	
		禪定	善知平等三昧境界之地；
		般若	具足淨身，住諸佛住不壞境界；
		方便	一切諸方法門境界，
		願	智門圓滿，智慧觀察；
		力	普照一切於己身中，悉現一切世界成壞，
	智	而於己身及諸世界，不生二想，究竟眾行，功德具足。	
推薦精進		善男子！於此南方，有一國土，名曰莊嚴閻浮提頂；彼有比丘，名曰海幢。汝詣彼問云何菩薩向菩薩道、修菩薩行。	

入法界品善財童子五十三參之第六會海幢比丘(六住)之一

會 處		南方，莊嚴閻浮提頂。	
善財童子參訪第六住位	聞法信行		時，善財童子頭面敬禮解脫長者足，右遶畢，讚歎無量阿僧祇功德；眷仰觀察，心無厭足，悲泣流淚。專念善知識、順善知識、觀善知識、由善知識得一切智；於善知識，遠離諂曲；於善知識發慈母心，遠離一切無益法故；於善知識發慈父心，能生一切諸善法故；辭退南行。
	前法契入成就住位禪定十波羅蜜微細法門		爾時，善財童子正念思惟解脫長者教，念不可思議菩薩法門，思惟不可思議菩薩慧光，隨順深入不可思議甚深法界，攝取菩薩不可思議淨妙功德，顯現如來不可思議自在神力，解了不可思議莊嚴佛刹，分別知佛不可思議住持莊嚴安住境界，思惟不可思議菩薩境界三昧莊嚴，分別不可思議世界究竟無礙，向不可思議菩薩堅固淨業，深心受持不可思議淨業諸願。
	見善知識		漸趣南方，至莊嚴閻浮提頂國，周遍推求海幢比丘；見在靜處，結跏趺坐，三昧正受，滅出入息，身安不動，寂然無覺。(十四相者，即十波羅蜜成就，自性佛法僧成就，及入法界利益眾生成就)
	佛	足下	從其足下，出阿僧祇長者、阿僧祇婆羅門，皆悉頂冠眾寶天冠，各齋妙寶上味飲食，一切寶衣、香華、寶鬘、末香、塗香資生之具，攝諸貧窮，安慰撫接，雨眾寶物；令一切眾生皆大歡喜，充滿十方。
	法	兩膝	從其兩膝，出刹利婆羅門，皆悉聰慧；形色威儀，服飾莊嚴，皆悉不同；以微妙音，訓導眾生，離惡修善，住真實義，說四攝法，令眾生歡喜，充滿十方。
	僧	腰間	從腰兩邊，出一切眾生數等，五通仙人；或服草衣，或樹皮衣，皆執澡瓶，持三奇杖，威儀庠序，無有變異；遊行虛空，讚歎三寶，為眾生說清淨梵行，調伏諸根，演真實義，攝取世間，令諸眾生入智慧海，又復演說世間諸論，令次第住一切善根，充滿十方。
	精進	兩脇	從其兩脇，出不可思議龍、不可思議龍女，顯現不可思議諸龍自在，攝取眾生；雨不可思議香莊嚴雲、華莊嚴雲、鬘莊嚴雲、寶蓋莊嚴雲、寶幡莊嚴雲、眾寶莊嚴雲、無價摩尼寶莊嚴雲、寶瓔珞莊嚴雲、寶座莊嚴雲、寶宮殿莊嚴雲、寶蓮華莊嚴雲、寶冠莊嚴雲、天形像莊嚴雲、天女莊嚴雲；雨如是等雲，各不可思議，普照十方一切世界，而以供養一切如來，普令眾生皆大歡喜，充滿法界。
	禪定	胸前卍字	從胸德字，出無量阿僧祇阿脩羅王，示現阿脩羅王不可思議自在神力，震動一切諸大海水，及百千世界；令諸山王皆相衝擊，震動一切諸天宮殿，映蔽一切諸魔光明，悉如聚墨；降伏一切諸魔軍眾，除滅眾生，放逸高慢；離怒害心，滅不善法，壞煩惱山，棄捨戰爭；又以神力覺悟眾生，厭離諸惡，永絕生死，不著諸趣；普令眾生常樂寂滅，住菩提心，淨菩薩行，住諸波羅蜜，究竟菩薩地，照一切法，普照諸佛方便之法，充滿法界。
善財童子參訪第六住位	般若	背上	從其背，出阿僧祇聲聞、緣覺，應以二乘化眾生故；著我見者，教不淨觀；貪欲多者，教慈心觀；瞋恚多者，教緣起觀；愚癡多者，教方便智，觀察諸法；為等分者，說無著法；著境界者，說妙願境界；樂寂滅者，教入諸趣；饒益眾生，充滿法界。
	方便	兩肩	從其兩肩，出阿僧祇諸夜叉王、諸羅刹王，種種惡身，長短形色，乘種種乘，各與其眾而自圍遶；其有眾生能行善者，及眾賢聖諸菩薩等，若向正道，若得果證，皆悉防衛而守護之，或作金剛力士，守護諸佛，及佛住處；若有眾生，遭諸恐怖，亦防護之，悉令無畏；諸疾病者，令得除愈；

入法界品善財童子五十三參之第六會海幢比丘(六住)之二

善財童子參訪第六住位	觀察善知識般若波羅蜜成就相(十相)	方便	兩肩	諸在難者，悉令解脫；除滅橫死，離諸熱惱，教化眾生，令得實利；壞生死輪，讚歎法輪，摧外道輪，充滿法界。
		願	腹部	從其腹，出百千阿僧祇緊那羅王，各與百千阿僧祇阿僧祇緊那羅女，眷屬圍遶；出百千阿僧祇乾闥婆王，各與百千阿僧祇阿僧祇乾闥婆女，眷屬圍遶；出百千阿僧祇天娛樂音，說實相法，讚歎諸佛，稱美菩提及菩薩行，歎菩提門，入法輪門，好樂一切自在法門、演說一切般涅槃門、攝持一切諸佛教門、歡喜一切眾生之門、嚴淨一切諸佛刹門、講說一切諸法界門、除滅一切諸障礙門、宣明一切諸善根門，充滿法界。
		力	面門	從其口，出百千阿僧祇轉輪聖王，七寶具足，四兵圍遶，放無慳光，雨摩尼寶，諸貧苦者，悉令富樂；無財施者，令得惠施；為諸群生，歎離殺盜邪淫之法，修習慈心，常說愛語，饒益眾生；除滅妄語，遠離惡口；攝取眾生，遠離兩舌；說和合語，離無義語；說甚深法，悉令眾生遠離口過；讚歎大悲，令眾生歡喜，離瞋恚心；分別世間一切正法，觀察因緣，照明真諦；拔諸群生邪見毒刺，除滅疑惑，離一切障，明法實義，充滿法界。
		智	兩目	從其兩目，出百千阿僧祇日，普照十方，滅一切闇；悉令眾生除滅垢瞋，遠離一切惡道苦毒；令寒者得溫，於垢濁佛刹，放明淨光，廣說乃至普照金銀瑠璃等一切世界，及眾生類；除滅眾生心之重闇，悉令歡喜；能辨眾生無量事業，莊嚴一切世界妙法境界，充滿法界。
	海幢比丘自成就	佛波羅蜜	眉間白毫	從其眉間，出百千阿僧祇天王帝釋，無量雜寶以為莊嚴；持釋王法，普照一切諸天宮殿，震動一切須彌山王；悉令諸天於天境界，生厭離心，歎功德力，明智慧力，起直心力，長深心力，嚴淨念力，堅固菩提心，遠離欲樂，讚歎樂見一切諸佛，不歎樂境界樂；歎聞法樂，離世間樂，觀察諸法智慧之樂；離阿脩羅戰鬥恐怖，滅煩惱軍，遠離死畏，願降眾魔；興妙法山，說須彌山等廣大法句，能辨眾生無量事業，充滿法界。(依四十華嚴，段初有缺文)
		法	額上	從其額上，出無量梵天，妙色端嚴，世界無倫；威儀庠序，演出妙音，讚歎諸佛，勸請說法；令眾生歡喜，乃至能辨眾生無量事業，充滿法界。
		僧波羅蜜	頭上——說十波羅蜜	從其頭上，出阿僧祇諸菩薩眾，種種形色，相好嚴身；
				放無量光網，現檀波羅蜜，讚歎布施，遠離慳吝，無所貪著；
				莊嚴一切世界，稱揚淨戒，遠離惡戒，安立眾生菩薩律儀，歎大乘戒，出生大悲功德之藏，說一切有皆悉如夢，說五欲樂無有滋味，安立眾生離煩惱法，
				稱揚讚歎金色身業；讚歎慈心，遠離殺害，滅畜生趣；歎多聞力，安立眾生於忍辱力；
				歎普照自在，遠離放逸，安立眾生於不放逸；
				歎禪波羅蜜，心得自在，拔邪見刺；
				讚歎正見般若波羅蜜，樂智自在，
				歎隨世間，遠離生死，而於諸趣自在受生；
				歎願力滿足，出諸通明自在壽命；
				讚歎一切陀羅尼力，出生願力，淨三昧力，現自在生；
				讚歎智慧，普照一切眾生諸根，分別演說諸心心行，照十力智；讚歎自在薩婆若，充滿法界。

入法界品善財童子五十三參之第六會海幢比丘(六住)之三

善財童子參訪第六住位	海幢比丘自性成就相及入法界利益眾生相	依三寶成就為先導之法界成就	頂上出如來身——為三十二類眾生雨諸法雨	從其頂上，出百千阿僧祇佛，身分具足，相好莊嚴，猶如金山，普照一切；出妙音聲，充滿法界。顯現無量無邊神力自在，普雨一切甘露法雲：（十住為首三十二類眾）
				為坐道場菩薩，雨平等法雲；
				為灌頂菩薩，雨普門法雲；
				為深忍菩薩，雨普莊嚴法雲；
				為童真菩薩，雨堅固山法雲；
				為不退菩薩，雨海藏法雲；
				為成就直心菩薩，雨普境界法雲；
				為方便道菩薩，雨自性地音聲法雲；
				為生貴菩薩，雨隨順世間法雲；
				為修行菩薩，雨厭離法雲；
				為治地菩薩，雨長養法藏法雲；
				為初發心菩薩，雨精進法雲；
				為信行者，雨無盡門法雲；
				為色界眾生，雨無盡平等法雲；
				為大梵天，雨普藏法雲；
				為大自在天，雨生力法雲；
				為魔天王，雨心幢法雲；
				為化樂天，雨淨念法雲；
				為兜率天，雨淨意法雲；
				為夜摩天，雨歡喜法雲；
				為帝釋天，雨莊嚴虛空法雲；
				為夜叉王，雨歡喜法雲；
				為乾闥婆王，雨自在圓滿法雲；
				為阿脩羅王，雨大境界法雲；
				為迦樓羅王，雨無量世界法雲；
				為緊那羅王，雨饒益眾生勝智法雲；
				為諸人王，雨不可樂法雲；
				為諸龍王，雨歡喜幢法雲；
				為摩睺羅伽王，雨寂靜法雲；
				為地獄眾生，雨不亂念莊嚴法雲；
				為諸畜生，雨智慧法雲；
				為閻羅王處，雨無畏法雲；
				為餓鬼處，雨正希望法雲；
				悉令眾生向賢聖門，充滿法界。
				總說
				彼諸如來一一毛孔，各放阿僧祇淨光明網、阿僧祇妙色、阿僧祇莊嚴、阿僧祇境界，辨阿僧祇事，充滿十方。

入法界品善財童子五十三參之第六會海幢比丘(六住)之四

善財童子	善財童子觀察思維善知識境界		爾時，善財一心觀察海幢比丘，念彼三昧法門；思惟不可思議菩薩境界；思惟無量無作現在莊嚴普門法門；觀察法界莊嚴智慧；依佛智住，出菩薩力，建菩薩願力，增廣菩薩諸行。
			如是正立觀察，一日一夜，乃至七日七夜；半月一月，乃至六月六日；
海幢比丘成就十住位般若波羅蜜	般若波羅蜜三昧法門及其功德		過此以後，海幢比丘從三昧起。
		十一種三昧門讚歎	爾時，善財歎未曾有，合掌白言：甚奇。大聖！如此三昧，最為甚深；如此三昧，最為廣大；如此三昧，境界無量；如此三昧，不可思議神力自在；如此三昧，不可稱量；如此三昧，慧光明淨；如此三昧，阿僧祇莊嚴以為莊嚴；如此三昧，境界不可壞；如此三昧，無有退轉；如此三昧，普照十方一切世界；如此三昧，具有無量義趣方便。
		十種菩薩世間功德	大聖！其有菩薩入此三昧，能為一切除滅眾苦，永絕地獄、餓鬼、畜生，一切楚毒，遠離諸難；令天人趣悉得寂靜；令眾生歡喜，常樂甚深禪定境界，厭離有為，超出三界； 發菩提心，長養智慧功德因緣，長養彌廣無上大悲；生大願力，照菩薩道；智慧莊嚴大波羅蜜，究竟出生大乘境界；智慧遍照普賢所行，得菩薩諸地智慧光明；具一切菩薩清淨願行，證一切智境。
		普眼捨得三昧門	大聖！此三昧者，名為何等？善男子！此三昧名普眼捨得，又名清淨光明般若波羅蜜境界，又名清淨莊嚴普門。善男子！修習般若波羅蜜故，得此三昧；得此三昧時，即得百萬阿僧祇三昧。
	般若波羅蜜三昧法門二十三種無障礙境界		大聖！此三昧，唯有此功德境界，復有餘耶？
		涅槃十波羅蜜	佛 善男子！此三昧者，分別一切世界，無所障礙；
			法 究竟一切世界，無所障礙；
			僧 遊行一切世界，無所障礙；
			精進 莊嚴一切世界，無所障礙；
			禪定 修治一切世界，無所障礙；
			般若 嚴淨一切世界，無所障礙；
			方便 見一切佛，無所障礙；
			願 觀一切佛功德，無所障礙，
			力 知一切佛自在神力，無所障礙；
			智 究竟一切佛力，無所障礙；
		菩薩十波羅蜜	佛 度一切佛功德大海，無所障礙；
			法 雨一切佛淨妙法雲，無所障礙；
			僧 度一切佛法，無所障礙；
			精進 得一切佛轉法輪智，不可破壞，無所障礙；
			禪定 得一切佛清淨大眾海之源底，無所障礙；
			般若 隨順普入十方世界，無所障礙；
			方便 隨順觀察十方佛法，無所障礙；
			願 大悲攝取十方眾生，無所障礙；

入法界品善財童子五十三參之第六會海幢比丘(六住)之五

海幢比丘成就十住位般若波羅蜜	般若波羅蜜	菩薩	力	大慈充滿十方世界，無所障礙；
			智	見十方佛，心無厭足，無所障礙；
		成就	佛	隨順遍入眾生大海，無所障礙；
			法	了知眾生一切根海，無所障礙；
			僧	分別一切諸眾生海，無所障礙。
	自法門			善男子！我唯知此清淨光明般若波羅蜜三昧法門。
	自宗門——十波羅蜜精進			云何能說諸大菩薩究竟之行？諸大菩薩，皆悉深入智慧大海，善能分別清淨法界；智慧究竟一切法趣，慧光無量，充滿一切；得大陀羅尼自在光明，一切三昧圓滿清淨，出生一切自在通明，深入一切無盡辯海，雷震一切諸地音聲，悉能救護一切眾生。我尚不能說彼所行，況其功德？顯其境界、說其境界、照其法門、明其積聚諸功德藏、說其正道諸三昧流平等智慧？
	推薦精進			善男子！於此南方，有一住處，名曰海潮；彼有園林，名普莊嚴；有優婆夷，名曰休捨。汝詣彼問云何菩薩修菩薩道、淨菩薩道。

入法界品善財童子五十三參之第七會休捨優婆夷(七住)之一

會 處		南方，有一住處，名曰海潮；普莊嚴園。
善財童子見當位成就種種正報依報國土境界	聞法信行得堅固身獲妙法財	時，善財童子歡喜無量，於海幢比丘所，不堅固中而得堅固；於不實中而得真實；究竟功德妙藏境界，得明淨智，普照一切；逮得甚深三昧光明，到淨解脫；方便觀察一切世界，淨諸法門；明淨智慧，普照十方。頭面禮足，遶無數匝，眷仰觀察，辭退南行。
	前法契入	爾時，善財童子正念思惟海幢比丘，心未曾捨，樂見無厭，願戀聖音，目想慈顏；正念思惟其心境界、三昧境界、願行境界；正念思惟明淨智慧，敬善知識，向善知識，念善知識教；於善知識起愛恭敬。
		又作是念：因善知識，得見諸佛。善知識者，開示顯現一切佛法；善知識者，是奇特法，令人得見諸佛法故；善知識者，為明淨眼，令人見佛如虛空故；善知識者，為善津濟，令人於佛華池，得源底故。
	海潮處者即根本智入法界所顯之處	漸漸南行，至海潮處，見普莊嚴園林；七寶垣牆，周匝圍遶；諸妙寶樹，行列莊嚴；一切華樹，雨華如雲，布散其地；香樹芬馨，普熏十方；鬘樹垂鬘，寶樹雨寶，遍布莊嚴；眾寶衣樹，彌覆一切；諸音樂樹，出微妙音；以如是等諸珍玩具，而以莊嚴。(七住位本體莊嚴成就，此諸莊嚴皆自性地成就之世間顯現)
	入生死界而自成就莊嚴	此園林中，有一萬講堂，眾寶合成；一萬樓閣，閻浮檀金以覆其上；一萬宮殿，毘樓遮那寶藏莊嚴。一萬浴池，眾寶合成；七寶欄楯，周匝圍遶；八功德水，湛然盈滿；閻浮檀金沙，淨水寶珠，遍布池底；四面寶階，端嚴齊正；寶多羅樹，周匝行列；(正法成就宮殿樓閣)
	正法神通顯現莊嚴	鳧、雁、鴛鴦、孔雀、哀鶯，異類眾鳥，遊戲其中；出和雅音，覆以金網；風自然起，出微妙聲；設眾寶帳，寶樹周遍。建阿僧祇殊勝寶幢，放大光明，照百由旬百萬池沼；黑梅檀泥凝積池底；生寶蓮華，充滿其中；從彼蓮華，出大光明，普照一切。(正法現相成就)
	宮殿莊嚴普熏一切	彼園林中，有大宮殿，名莊嚴幢；海藏妙寶，以為其地；瑠璃寶柱，莊嚴殊妙，巍巍高大，猶若金山；眾生見者，無不喜樂。有阿僧祇淨摩尼寶，普照一切；出自然香，謂：明相香、香王香、覺悟香等。(正法精進覆護眾生成就)
	十一種入法界之寶蓮華座	敷眾寶座，謂：
		總說 蓮華藏座、
		佛 照諸方藏座、
		法 明淨藏座、
		僧 眾生悅樂藏座、
		精進 師子藏座、
		禪定 離垢寶藏座、
		般若 不思議藏座、
		方便 普門摩尼妙寶藏座、
		願 光嚴藏座、
		力 大海藏座、
		智 金剛師子藏座；
		無量窓牖，妙寶莊飾。

入法界品善財童子五十三參之第七會休捨優婆夷(七住)之二

善財見當位成就種種正報依報國土境界	萬種寶帳		又張一萬眾妙寶帳，謂：寶衣帳、妙寶華帳、寶樹枝帳、摩尼寶帳、金帳、莊嚴帳、香帳、娛樂帳、自在龍王帳、馬王帳、釋天莊嚴寶帳；(十一種帳)
	萬種寶網		一萬寶網，絞絡其上，謂：金鈴網、珍寶蓋網、眾寶像網、海藏珠網、青瑠璃摩尼寶網、師子吼網、月摩尼網、香像網、眾寶山網、寶王網；(十種網)
	萬種光明		一萬光明，普照世界，謂：夜光摩尼光明、日藏摩尼淨寶光明、月幢摩尼妙寶光明、香焰光明、妙藏摩尼寶光明、鉢曇摩光明、夜光摩尼淨寶光明、大燈摩尼淨寶光明、普照諸方摩尼光明。(九種光明)
	十種大香電光雨十種雲		又出十種大香電光，雨十種雲，出過諸天；謂：
		佛	十種黑旃檀雲、
		法	十種曼陀羅華雲、
		僧	十種莊嚴雲、
		精進	十種鬘雲、
		禪定	
		般若	十種雜色衣雲、
		方便	十種寶雲、
		願	十種天子雲、
		力	十種天女雲、
		智	十種菩薩雲；常樂聞法。
	七住行者坐真金座一切寶網垂覆其身		爾時，休捨優婆夷處金色藏座，海藏寶莊嚴網羅覆其身；吉由羅莊嚴，出過諸天；大摩尼網，莊嚴其首；師子珠寶，無量如意，淨摩尼寶，嚴飾其身；無量億眾，恭敬圍繞，合掌而住。東方無量眾生，諸梵天王，梵身大梵，梵輔他化，自在天王，乃至人及非人，一切諸王，來詣其所；南、西、北方，四維，上、下，亦復如是。(正報成就)
	其有見者入於清淨		其有得見此優婆夷者，一切眾病皆悉除愈；心淨離垢，拔邪見刺，除滅障礙，淨無礙地。於彼地中，長養善根，成就諸根，方便攝一切智，一切陀羅尼門、一切三昧門，皆現在前，發一切願門，究竟一切行門，出生一切淨門；其心廣大，出生一切，通得無礙身，靡所不至。
	信成就及發心陳述		爾時，善財童子入普莊嚴園林，周遍觀察，見休捨優婆夷，處金色座；往詣其所，頭面禮足，遶無數匝，白言：大聖！我已先發阿耨多羅三藐三菩提心，而未知菩薩云何學菩薩行、修菩薩道，唯願為我具足演說。
休捨優婆夷	往昔成就——皈依佛	佛	答言：善男子！我唯成就一法門，若見聞、念知、親近我者，皆悉不虛。善男子！若有眾生不種善根，不親近善知識，不為諸佛所護念者，彼諸眾生不能見我。善男子！若有眾生能見我者，則於阿耨多羅三藐三菩提，得不退轉。
		法	東方諸佛常來我所，處寶師子座，為我說法；南、西、北方，四維，上、下，一切諸佛悉來我所，處寶師子座，為我說法。善男子！我常見諸佛菩薩，未曾遠離。
		僧	善男子！我此大眾，有八萬四千億菩薩，皆我同行，於阿耨多羅三藐三菩提得不退轉；此普莊嚴園林一切眾會，亦於阿耨多羅三藐三菩提得不退轉。
	發心久近		善財白言：大聖！發菩提心來，為久如耶？

入法界品善財童子五十三參之第七會休捨優婆夷(七住)之三

休捨優婆夷成就第七方便住	和合世出世間法——皈依法	涅槃十波羅蜜	世間行和合智十波羅蜜	答言：善男子！我念過去於錠光佛所，出家求道，淨修梵行，恭敬供養，聞法受持；次於離垢佛所，出家求道，淨修梵行，恭敬供養，聞法受持；次於妙幢佛、妙德佛、功德藏佛、毘樓遮那佛、普眼佛、梵壽佛、自在佛、善天佛。(次第十佛)
		菩薩十波羅蜜	佛	善男子！我於如是等三十六恒河沙佛所，出家求道，淨修梵行，恭敬供養，聞法受持，了知一切諸佛智慧。(十波羅蜜圓滿乃至三十六恒河沙佛所成就)
			法	初發菩薩心，充滿法界；(此處文法不整，結構請參見八十華嚴)
			僧	無量大悲攝取眾生；
			精進	發諸菩薩無量大願，究竟十方法界；
			禪定	無量大悲普覆眾生；
			般若	於一切剎、一切劫中，修習菩薩無量諸行；
			方便	無量三昧力，不捨不轉菩薩正道；
			願	菩薩無量陀羅尼力，善能護持一切眾生；
			力	菩薩無量淨智慧力，方便正念，普照三世；
			智	菩薩無量諸通明力，遍遊一切諸世界網；
		總說		菩薩無量諸辯才力，能以一言悅一切眾。
	圓滿久如		善男子！我有菩薩無量自在神力，能以一身滿一切剎。	
	發菩提心微細圓滿誓願——皈依僧	圓滿久如		善財白言：大聖！久如當成阿耨多羅三藐三菩提？
		一眾生	善男子！菩薩不為教化一眾生故，發菩提心；不為教化百眾生，乃至不為教化不可說不可說轉眾生故，發菩提心；廣說如阿僧祇品。(次第微細流轉而發菩提心，一一遞進依阿僧祇品有百二十一種)	
		一世界眾生	不為教化一世界眾生故，發菩提心；乃至不為教化不可說不可說世界眾生故，發菩提心；	
		微塵數眾生	不為教化閻浮提微塵等眾生故，不為教化三千大千世界微塵等眾生故，乃至不為教化不可說不可說三千大千世界微塵等眾生故，發菩提心；	
		一如來	菩薩不為恭敬供養一如來故，發菩提心；乃至不為恭敬供養不可說不可說諸如來故，發菩提心；	
		一剎土	菩薩不為淨一剎故，發菩提心；乃至不為淨不可說不可說剎故，發菩提心；	
		微塵數剎土	菩薩不為淨閻浮提微塵等剎故，發菩提心；乃至不為淨不可說不可說三千大千世界微塵等剎故，發菩提心；	
		一佛	菩薩不為護持一佛法故，發菩提心；	
		不為十種不究竟願發菩提心	廣說如上，菩薩不為滿一願故，發菩提心；不為莊嚴一剎故、不為知一佛眷屬故、不為受持一佛法故、不為知一眾生心海故、不為度一眾生根海故、不為知一世界諸劫次第成敗故、不為知一眾生煩惱習氣故、不為斷一眾生煩惱故、不為滿一眾生行故，發菩提心；	
		十三種究竟誓願故發菩提心	欲教化一切眾生故，發菩提心；欲恭敬供養一切諸佛、欲嚴淨一切佛剎、欲守護受持一切佛法、欲滿足一切大願、欲知一切佛眷屬、欲知一切眾生心海、欲知一切眾生心心所行、欲知一切眾生諸根輪、欲知一切世界一切劫數次第成敗、欲知一切眾生煩惱習氣、欲斷一切眾生煩惱、欲滿一切眾生行故，發菩提心。	

入法界品善財童子五十三參之第七會休捨優婆夷(七住)之四

休捨優婆夷成就第七方便住	發菩提心	智慧圓滿發菩提心	善男子！略說菩薩有如是等百萬阿僧祇方便法門，菩薩悉應究竟了知，隨順智慧；究竟修習菩薩等行，淨一切佛刹，心無倒惑。
			善男子！是故，我發此願，淨一切刹，我願乃滿；斷一切眾生煩惱習氣，我願乃滿。
	法門徵詢		大聖！此法門者，名為何等？
			善男子！此法門名離憂安隱幢。
	自法門		我唯知此法門，
	自宗門——十波羅蜜精進	佛	諸大菩薩其心如海，悉能容受一切佛法，我當云何能知其行？
		法	諸菩薩心堅固正直，如須彌山；
		僧	諸大菩薩，則為見藥，若有見者，除滅煩惱；
		精進	諸大菩薩，則為淨日，除滅一切眾生癡闇；
		禪定	諸大菩薩，則為大地，悉能載持一切眾生；
		般若	諸大菩薩，則為智風，長養一切眾生實義；
		方便	諸大菩薩，則為自在，以淨智光普照一切；
		願	諸大菩薩，則為慶雲，隨其所應，雨甘露法；
		力	諸大菩薩，則為淨月，放諸功德光明之網；
		智	諸大菩薩，則為帝釋，悉能守護一切眾生。
			我當云何能知其行？
	推薦精進		善男子！於此南方，有一國土，名曰海潮；彼有仙人，名毘目多羅，善能解說菩薩諸行，汝詣彼問。

入法界品善財童子五十三參之第八會毘目多羅仙人(八住)之一

會 處		南方海潮之處。
善財童子入第八住法見善知識境界	聞法信行	時，善財童子頭面禮足，遶無數匝，觀察無厭，悲泣流淚，正念思惟：得菩提難、遇善知識難、得與上人共同止難、得菩薩諸根難、滿足菩薩正直心難、值遇同意善知識難、觀真實難、如法正教難、出生妙心難、念一切智難、長養法明難。作是念已，辭退南行。
	前法契入出生大願（佛）	爾時，善財童子思惟隨順菩薩正教，淨菩薩行，
		佛 心能長養菩薩德力；
		法 心見諸佛；
		僧 心欲菩提；
		精進 心能發起長養大願；
		禪定 心照十方一切諸法；
		般若 心見法實；
		方便 心覆一切，無有散亂；
		願 心淨智慧，觀諸法界，除滅癡闇；
		力 心淨正直，除滅障礙；
		智 心能降伏一切眾魔。
	見善知識大願所生依報莊嚴	漸漸遊行，至海潮國，周遍推求仙人毘目多羅。時，彼仙人在大林中；阿僧祇樹莊嚴此林，寶葉普覆；諸華果樹，常以嚴飾；寶樹雨寶，遍散其地；大栴檀樹，周匝行列；諸沈水樹，常出妙香；尼拘律樹、閻浮檀樹，雨甘香果；優鉢羅、鉢曇摩、分陀利華，以為莊嚴。（依自善根及所成就入法界故，顯現樹木華草及摩尼果，表自性顯現成就妙果，眾生見者皆得利益）
	見善知識起十種讚歎（法）	爾時，善財見彼仙人坐在此林中，服樹皮衣，紫髮草坐；一萬仙人以為眷屬，如栴檀林，栴檀圍遶。往詣其所，五體敬禮：（以大願起眾行故曰萬眾圍遶。）
		佛 念善知識，能開導我薩婆若門；
		法 念善知識，現真實道；
		僧 念善知識，能安置我一切智地；
		精進 念善知識，然智寶燈，明淨慧光，長養十力智慧光明；
		禪定 善知識道，即一切智無盡之藏。
		般若 善知識為燈，照一切智境界故；
		方便 善知識為橋，度生死故；
		願 善知識為蓋，生大慈力，覆一切故；
		力 善知識為不虛，照一切法真實相故；
		智 善知識為海潮，滿足大悲故。
	發心陳述	作是念已，遶無數匝，合掌而立，白言：大聖！我已先發阿耨多羅三藐三菩提心，而未知菩薩云何學菩薩行、修菩薩道。

入法界品善財童子五十三參之第八會毘目多羅仙人(八住)之二

毘目多羅仙人成就第八童真住	對善財童子十二種讚歎		時，彼仙人觀察大眾，而作是言：汝等當知此童子者，已發阿耨多羅三藐三菩提心，（善財童子根本智發心）
		佛	請一切眾生，普施無畏，（入法界願行）
		法	饒益一切眾生；
		僧	向深智海，
		精進	欲飲一切諸佛法雨；
		禪定	欲盡一切法海源底；
		般若	欲成世間智慧大海；
		方便	欲興大悲重雲；
		願	欲雨甘露法雨；
		力	欲出世間明淨智月；
		智	欲滅世間諸煩惱闇；
		總說	欲長養一切眾生善根。
	圍遶眾讚歎發心入法界行。	爾時，大眾各持種種金色妙華，香可悅樂，散童子上；頭面禮足，曲躬敬遶，作如是言：此童子者，	
		悉能救護一切眾生，（總說）	
	出三惡道		滅三惡道，（三惡道）
	依大願入法界成行 自性十波羅蜜法	離閻羅趣一切諸難；	
		消竭欲海，	
		除滅苦陰，	
		捨愚癡闇，	
		斷貪愛縛；	
		能昇功德金剛圍山，	
		建立世間智慧須彌，	
		於世間出明淨智日，	
		顯曜一切善根諸法、	
		示導世間明識善惡。	
	發心授記		時，彼仙人告大眾言：若有能發阿耨多羅三藐三菩提心者，得一切智，淨一切佛功德之地。
	加持證入	境界徵詢	時，彼仙人告善財言：善男子！我已成就菩薩無壞幢智慧法門。善財白言：大聖！彼法門者，境界云何？
		加持見佛	時，彼仙人即申右手，摩善財頂；摩已，執善財手。即時，善財自見其身，在於十方十佛世界微塵等佛所，見彼諸佛，相好莊嚴，以阿僧祇寶珍玩之具，莊嚴其刹。
		普雨法雨	又見彼佛眷屬大海，所從聞法，悉能受持，乃至不失一句一味，分別受持正法梵輪，受諸法雲，入佛大願，淨修諸力，清淨願行，究竟諸功德藏。見彼諸佛，隨應化度一切眾生，見一切佛，清淨圓滿大光明網。

入法界品善財童子五十三參之第八會毘目多羅仙人(八住)之三

毘目多羅仙人成就第八童真住	善知識加持證入自性解脫門	受持精進	見已，隨順無礙智慧光明，究竟佛力；或自見身於一佛所，一日一夜；或復自見於餘佛所，七日七夜。如是次第於餘佛所，或有半月、一月，一歲、百歲、千歲；或百千歲、百千億歲；或百億那由他歲；或半劫、一劫、百劫、千劫、百千劫；或百億那由他劫，乃至不可說不可說那由他劫；或閻浮提微塵等劫，乃至不可說不可說世界微塵等劫。
		僧	爾時，善財為無壞幢智慧法門照故，得明淨藏三昧；
		法	無盡法門三昧照故，得遊一切方陀羅尼光明；
		佛	金剛圓滿光明法門照故，得分別智意樓閣三昧，住平地莊嚴法藏；
		本體力用	般若波羅蜜精進照故，得佛虛空藏三昧光明；(涅槃本體)
			一切諸佛法輪三昧光明相照故，得三世圓滿智無盡光明。(菩薩力用)
			時，彼仙人放善財手；爾時，善財即自見身還在本處。時，彼仙人問善財言：汝憶念耶？答言：唯然。大聖善知識力故。
	自法門		善男子！我唯知此菩薩無壞幢智慧法門。
	自宗門——十波羅蜜精進		我豈能知大菩薩行？諸大菩薩，
		佛	皆得一切眾生自在三昧，
		法	於一切時輪而得自在；
		僧	出生諸佛無盡智慧，
		精進	證一切佛，嚴淨慧燈；
		禪定	於一念中，了三世事；
		般若	於一切世間，現淨慧身，充滿法界，
		方便	
		願	隨眾生所應，悉現其前；
		力	了知一切眾生所行，
		智	圓滿清淨，悉可愛樂。
			我豈能知大菩薩行，妙功德願，嚴淨佛刹，善察論機，智慧境界；甚深三昧，神力自在，解脫境界；遊戲神通，法身音聲，究竟智慧？如是等事，非我境界。(此十種對前所言十種菩薩難說殊勝功德)
	推薦精進		善男子！於此南方，有一國土，名曰進求；有婆羅門，名方便命。汝詣彼問云何菩薩向菩薩道，修菩薩道。

入法界品善財童子五十三參之第九會方便命婆羅門(九住)之一

會 處			南方，進求聚落。	
善財童子成就前法參第九住	聞法信行		時，善財童子歡喜無量，恭敬禮已，遶無數匝，瞻仰觀察，辭退南行。	
	成就前法契入依十波羅蜜（佛）	佛	爾時，善財童子為無壞幢智慧法門所照，決了諸佛不可思議自在神力，	
		法	善知菩薩不可思議法門。又不可思議菩薩三昧智慧，以照其心，	
		僧	得一切時三昧光明，得一切相三昧境界光明，得明淨智。	
		精進	令一切眾生，得勝妙處；得一切至處道法門；隨順世間行，心無有二；	
		禪定	以明淨智普照境界，得一切聲聞明淨忍藏；	
		般若	得無生忍，知法實相；常行菩薩行，不捨菩薩心，增長薩婆若心；得十力明，普照一切；	
		方便	樂妙法音，心無厭足；如說修行，住薩婆若，究竟一切智境界，出生無量菩薩莊嚴心，滿足菩薩清淨大願。	
		願	於一念頃，遍至一切諸佛刹網，教化成熟無量眾生海，心無懈怠；	
		力	悉見菩薩無量行境界，悉分別見一切世間，見諸佛刹種種莊嚴，於微細境界，悉能安置無量世界。又能見彼種種莊嚴，悉能分別無量世界，諸語言法。	
	智	又知無量眾生欲樂，知諸眾生無量所行，以無量方便，教化眾生，善知殊方，隨其所應，化度眾生，		
見善知識奇特之法		念善知識，漸漸遊行，至進求國，周遍推求彼婆羅門。時，婆羅門修諸苦行，求一切智，四面火聚，猶如大山；中有刀山，高峻無極；從彼山上，自投火聚。		
發心陳述		爾時，善財詣婆羅門，頭面禮足，合掌而立，白言：大聖！我已先發阿耨多羅三藐三菩提心，而未知菩薩云何學菩薩行、修菩薩道，願為我說。		
方便命婆羅門成就第九住	正法甚深起諸疑惑		答言：善男子！汝今若能登此刀山，投火聚者，菩薩諸行皆悉清淨。	
			爾時，善財作如是念：得人身難、離諸難難、得無難難、得淨法難、值佛世難、具諸根難、聞佛法難、遇善知識難、得與同止難、得聞正教難、得正命難、順趣正法難。此將非魔魔所使耶？非善知識而現善知識相，將非惡菩薩耶？而今為我作壽命難、作善根難、薩婆若難，此非正教險惡道耳。遠離法門，薩婆若等一切佛法。	
	大正若邪世間十四類眾作證（法）	說十波羅蜜甚深法	佛	作是念時，十萬梵天在虛空中，作如是言：善男子！莫作是念。莫作是念。此是大聖，具足金剛智慧光明，精進不退，悉已究竟一切境界。欲竭一切眾生貪愛大海；欲裂一切諸邪見網；欲燒一切眾生煩惱，除滅愚闇，普照一切；令一切眾生離生死險難，除滅三世愚癡闇冥，放淨光明普照一切。
			法	時，諸梵天及自在天，眾生主天等，諸邪見天，作如是言：我造眾生、我為一切世間最勝、我為最上、我為第一。是諸天等，見婆羅門修大苦行，五熱炙身；見如是已，各於諸禪不得滋味，來詣其所。時，婆羅門以自在力而為說法，令滅邪見，捨離我心；發大慈悲，普覆眾生；長養菩提正直之心；開四種道，求佛法身；隨所應化，悉能示現佛微妙音，一切悉聞，無有障礙。
		復有一萬魔在虛空中，以種種摩尼寶華散婆羅門，告善財言：善男子！此婆羅門，苦行力故，放大光明，令我宮殿諸莊嚴具，悉如聚墨。我不復樂，即與無量諸天天女，眷屬圍遶，來詣其所；為我說法，悉於阿耨多羅三藐三菩提，得不退轉。		

入法界品善財童子五十三參之第九會方便命婆羅門(九住)之二

方便命婆羅門成就第九住	大正若邪世間十四類眾現身作證表真俗不二法界一真(法)	說十波羅蜜甚深法	僧	復有一萬他化自在天在虛空中，各持天華恭敬供養，作如是言：善男子！此婆羅門，苦行力故，放大光明，令我宮殿諸莊嚴具，悉如聚墨；我不復樂，即與眷屬，來詣其所，為我說法，令我於心而得自在、於煩惱中而得自在、於受生中而得自在、除滅障礙而得自在、於一切三昧而得自在、於莊嚴具而得自在、於壽命而得自在、乃至令我於一切佛法而得自在。
			精進	復有一萬化自在天在虛空中，以天妓樂恭敬供養，作如是言：善男子！此婆羅門，五熱炙身，放大光明，照我宮殿及莊嚴具。照已，悉令我等，不樂五欲，不求欲樂，身心柔軟，與眷屬俱，來詣其所；為我說法，淨心、明淨心、善奇特心、柔軟心、歡喜心；乃至速得清淨十力，長養離生，出生無量清淨之身；乃至得佛清淨法身；得清淨口，微妙音聲，遍至一切，無所障礙；乃至得一切智。
			禪定	復有一萬兜率陀天與其眷屬，在虛空中，雨一切末香雲，恭敬供養，作如是言：善男子！此婆羅門，五熱炙身時，我自於宮殿，不樂須臾，來詣其所；為我解說無著之法，少欲知足，長養善根，發菩提心，乃至究竟一切佛法。
				(此處缺夜摩天眾，表般若波羅蜜位，疑抄錄者之誤，見四十華嚴)
			方便	復有一萬諸天，三十三天及阿脩羅，與眷屬俱，在虛空中，雨曼陀羅華雲、摩訶曼陀羅華雲，恭敬供養，作如是言：善男子！此婆羅門，五熱炙身時，我於天樂，不須臾樂著，來詣其所。為我說法，遠離欲樂；乃至為我說無常法，變易不住，斷除一切放逸高慢，長養發起菩提之心。又，善男子！我見此婆羅門時，須彌山頂六種震動；我於爾時，心大恐怖，專求一切智。
			願	復有一萬大龍王，伊那槃那，難陀跋難陀等，興黑栴檀香雲；諸龍王女出妙樂音，雨天華雲、天香水雲，恭敬供養，作如是言：善男子！此婆羅門，五熱炙身時，放大光明，普照一切龍王宮殿；令諸龍王，離熱沙苦，金翅鳥怖，滅瞋恚熱，身體清涼，發歡喜心。發喜心已，而為說法，厭惡龍趣，至誠悔過，除滅業障，發阿耨多羅三藐三菩提心，乃至住一切智。
			力	復有一萬夜叉王，種種供養此婆羅門及以善財，作如是言：善男子！此婆羅門，五熱炙身時，我及羅刹、鳩槃荼等，悉於眾生發大慈心，無所燒害，慈心力故；不樂宮殿，與眷屬俱，來詣其所；彼婆羅門，以大慈心蔭覆我等，令我歡喜，身心柔軟，安隱快樂；為我說法，乃至令無量夜叉、羅刹、鳩槃荼等，發阿耨多羅三藐三菩提心。
			智	復有一萬乾闥婆王在虛空中，作如是言：善男子！此婆羅門，五熱炙身時，放大光明，照我宮殿，悉令我等得不思議樂；來詣其所，為我說法，乃至令發阿耨多羅三藐三菩提心，得不退轉。
		自性三寶成就	佛	復有一萬阿脩羅王在虛空中，右膝胡跪，一心合掌，恭敬供養，作如是言：善男子！此婆羅門，五熱炙身時，一切阿脩羅宮殿，大地大海，皆悉震動；我等爾時，除滅高心，來詣其所；為我說法，遠離一切諂曲幻心，得深法忍，安住不動，具足十力。
			法	復有一萬迦樓羅王，勇力持等，化為外道童子，在虛空中，作如是言：乃至為我說法，安立大慈，讚歎大悲，度生死海；沒於五欲泥者，歎淨直心門，生慧方便翅，隨其所應，皆悉化度。

入法界品善財童子五十三參之第九會方便命婆羅門(九住)之三

方便命婆羅門成就第九住	世間十四類眾起現令證 表真俗不二(法)	自性三寶成就 僧	復有一萬緊那羅王在虛空中，作如是言：善男子！此婆羅門，五熱炙身時，於我寶多羅樹中、金鈴網中、寶瓔珞中、諸寶樹中、種種樂器中，自然演出微妙音聲、佛聲、法聲、比丘僧聲、不退轉諸菩薩聲、菩提心聲。某方某國，有某菩薩，發菩提心，修行苦行，修大布施，莊嚴道場，往詣道場，成正覺聲。
			善男子！我聞是聲，即大歡喜，來詣其所；為我說法，令無量眾生於阿耨多羅三藐三菩提，得不退轉。
	正信契入(善財童子)(僧)	利益法界眾生法	復有無量欲界諸天在虛空中，供養恭敬，作如是言：善男子！此婆羅門，五熱炙身時，放大光明，乃至普照阿鼻地獄，除滅苦痛；若有眾生見斯光者，命終生天，知報恩故。捨五欲樂，來詣其所，樂觀無厭；為我說法，乃至令無量眾生發菩提心。
		佛	爾時，善財童子聞奇特法，心大歡喜，於婆羅門所，發起真實善知識心；頭面禮足，如是白言：向疑聖教，違知識教；唯願大聖，受我悔過。
		法	時，婆羅門為善財童子，而說偈言：
			欲求菩提者，當順知識教，除滅諸疑惑，一心常恭敬。
			修習於正道，知法真實相，安住於道場，成就佛菩提。
	自法門 自宗門精進 推薦精進	僧	爾時，善財童子即登刀山，自投火聚，未至中間，即得菩薩安住三昧；既至火焰，復得菩薩寂靜安樂照明三昧。得三昧已，白言：甚奇。大聖！如是刀山及大火聚，我身觸時，安隱快樂。
			時，婆羅門告善財言：善男子！我唯成此菩薩無盡法門。
			明淨法王諸菩薩行，滿足諸願；悉滅眾生煩惱邪見，得不退轉不可盡心，離懈怠心，一切無畏；得金剛那羅延藏，究竟大境界，無有疲倦；遠離諸垢，不動如風輪，精進不退，以大莊嚴而自莊嚴，饒益眾生。如是法門，我當云何能知能說？
			善男子！於此南方，有城名師子奮迅；有一童女，名彌多羅尼。汝詣彼問云何菩薩學菩薩行、修菩薩道。

入法界品善財童子五十三參之第十會彌多羅尼童女(十住)之一

會 處		南方，師子奮迅城。
善財童子參訪灌頂住	聞法信行	時，善財童子頭面禮足，遶無數匝，觀察無厭，辭退南行。
	前法契入十波羅蜜智成就(佛)	爾時，善財童子起不可思議恭敬之心，好樂淨法，專向大乘，求諸佛智，親近如來，觀法境界無所障礙，
		決定實際，住實境界，至三世際，解了三世如虛空際，決定了知三世法際，不作法際，住無礙際，不違業際，決定了知佛際非際，住如來住；
		滅一切妄想，不著一切佛、一切眷屬、一切世界；知一切眾生非我無實，一切音聲離語言道，解一切色猶如電光。
	周遍推求	漸漸南行至彼城已，周遍推問彌多羅女為在何所。時，有人答：今在師子幢王宮內。聞已，即詣門下求見彼女。
	徵詢所在	時，無量人眾悉入宮中，善財問言：諸人今者為詣何所？答言：我等欲詣彌多羅女聽受正法。爾時，善財作如是念：此王宮門自在出入無所障礙。
慈行童女成就第十灌頂住	見其莊嚴	善財即入，見彼女人處在明淨寶藏法堂，地玻璃色，瑠璃為柱，金剛為壁，閻浮檀金欄楯窓牖，光明普照，阿僧祇摩尼寶而莊校之；又千寶藏摩尼寶鏡，圓滿莊嚴，眾生所樂，明淨妙寶以為嚴飾；又阿僧祇摩尼寶網羅覆其上，百千金鈴出微妙音；有如是等不可思議眾寶校具，莊嚴講堂。見彼女人身如真金，目髮紺色，處淨水香寶師子座，覆以金網；敷眾寶衣，大眾圍遶，以梵音聲而為說法。(此之莊嚴皆自性地出，依十波羅蜜顯相)
	發心陳述	見已，頭面禮足遶無數匝，合掌恭敬於一面住，白言：大聖！我已先發阿耨多羅三藐三菩提心，而未知菩薩云何學菩薩行，修菩薩道？
	成就百十八種陀羅尼門	答言：善男子！汝諦觀此法堂莊嚴。
		爾時，善財見一一瑠璃柱中、一一金剛壁中、一一摩尼鏡中、一一形像中、一一寶中、一一莊嚴中，一一金鈴中、一一寶樹中、一一寶形像中、一一寶瓔珞中，悉見法界等一切如來，從初發心，修菩薩行，成滿大願，功德莊嚴，成等正覺，轉淨法輪，乃至示現無餘涅槃，如淨水中見月影像。善財童子於一切境界莊嚴具中，見一切佛從初發心，乃至示現無餘涅槃，亦復如是，皆是彼女過去善根依果力故。
		徵詢法門所成因緣
		爾時，善財正念諸佛，恭敬合掌，白言：大聖！此何法門？
		答言：善男子！是般若波羅蜜普莊嚴法門；我於三十六恒沙佛所修此法門，彼諸如來各以異門，令我入此般若波羅蜜普莊嚴法門。
	法門所成就	善財白言：大聖！此法門者，境界云何？
		答言：善男子！我入此法門，正念思惟，分別受持，生平等時，得普門陀羅尼等百萬阿僧祇陀羅尼門，以為眷屬；所謂：佛剎陀羅尼門、佛陀羅尼門、法陀羅尼門、眾生陀羅尼門、… (百十八種陀羅尼門，見附C10-1)
	自法門	善男子！我唯知此般若波羅蜜普莊嚴法門。
自宗門	佛	諸大菩薩心如虛空，
	法	入深法界，功德成滿，
	僧	安住出世法，遠離世間行；
	精進	具足清淨，離癡慧眼，

入法界品善財童子五十三參之第十會彌多羅尼童女(十住)之二

慈行童女成就第十灌頂住	自宗門——十波羅蜜精進	禪定	決定了知無量法界，
		般若	智慧無量與虛空等，
		方便	得無礙眼，於一切境界無所障礙，
		願	住無礙地藏，普照一切，
		力	善能分別一切法義，
		智	一切世間無能壞者，
		根本智成就	行世間行無所染著，（佛）
			善巧方便，饒益攝取一切眾生，（法）
			隨其所應悉能示現，（僧）
		總說	於一切時轉正法輪而得自在；
			如是功德，我當云何能知、能說？
	推薦精進		善男子！於此南方有一國土，名曰救度，彼有比丘名曰善現，汝詣彼問云何菩薩學菩薩行、修菩薩道。

附C10-1：入法界品善財童子五十三參之慈行童女說陀羅尼門之一

	六十華嚴(百一十七)	四十華嚴(百四十六)
佛	佛刹陀羅尼門、	佛陀羅尼門。
	佛陀羅尼門、	法陀羅尼門。
	法陀羅尼門、	佛刹陀羅尼門。
	眾生陀羅尼門、	眾生陀羅尼門。
		普遍陀羅尼門。
	過去陀羅尼門、	過去陀羅尼門。
	未來陀羅尼門、	未來陀羅尼門。
	現在陀羅尼門、	現在陀羅尼門。
	安住實際陀羅尼門、	常住際陀羅尼門。
	功德陀羅尼門、	福德陀羅尼門。
	功德具陀羅尼門、	福德聚陀羅尼門。
	智陀羅尼門、	智慧陀羅尼門。
	智具陀羅尼門、	智慧聚陀羅尼門。
法	諸願陀羅尼門、	諸願陀羅尼門。
	分別諸願陀羅尼門、	分別諸願陀羅尼門。
	行陀羅尼門、	行陀羅尼門。
	修集行陀羅尼門、	行清淨陀羅尼門。
	淨行陀羅尼門、	行修集陀羅尼門。
	滿足行陀羅尼門、	行圓滿陀羅尼門。
	業陀羅尼門、	業陀羅尼門。
	不違業陀羅尼門、	業不失壞陀羅尼門。
		業清淨陀羅尼門。
	業流陀羅尼門、	業流注陀羅尼門。
	業所作陀羅尼門、	業現前所作陀羅尼門。
	遠離惡業陀羅尼門、	捨離惡業陀羅尼門。
	向正業陀羅尼門、	修習正業陀羅尼門。
僧	業自在陀羅尼門、	業自在陀羅尼門。
	善行陀羅尼門、	善行陀羅尼門。
	善行三昧陀羅尼門、	常持善行陀羅尼門。
	三昧陀羅尼門、	三昧陀羅尼門。
	隨順三昧陀羅尼門、	隨順三昧陀羅尼門。
	分別三昧陀羅尼門、	觀察三昧陀羅尼門。
	無壞三昧陀羅尼門、	三昧境界陀羅尼門。
		從三昧起陀羅尼門。
	諸通明陀羅尼門、	神通陀羅尼門。
	心海陀羅尼門、	心海陀羅尼門。
	種種心陀羅尼門、	種種心陀羅尼門。

附C10-1：入法界品善財童子五十三參之慈行童女說陀羅尼門之二

	六十華嚴(百一十七)	四十華嚴(百四十六)
僧	淨心地陀羅尼門、	直心陀羅尼門。
		清淨心陀羅尼門。
	普照重惡心陀羅尼門、	照心稠林陀羅尼門。
	心喜調御師陀羅尼門、	心地清淨陀羅尼門。
精進	發起眾生陀羅尼門、	知眾生心所生處陀羅尼門。
		知眾生微細心陀羅尼門。
	煩惱陀羅尼門、	知眾生煩惱行陀羅尼門。
	習氣陀羅尼門、	知煩惱習氣陀羅尼門。
	煩惱方便陀羅尼門、	知煩惱方便陀羅尼門。
		知煩惱所作陀羅尼門。
		知眾生信陀羅尼門。
	欲陀羅尼門、	知眾生解陀羅尼門。
	眾生所行陀羅尼門、	知眾生行陀羅尼門。
	眾生種種業行陀羅尼門、	知眾生信解諸行差別陀羅尼門。
	眾生世間自性陀羅尼門、	知眾生性陀羅尼門。
	眾生相陀羅尼門、	知眾生欲陀羅尼門。
		知眾生想陀羅尼門。
		知世界所起陀羅尼門。
禪定	方陀羅尼門、	普見十方陀羅尼門。
		普見一切法陀羅尼門。
	說法陀羅尼門、	說法陀羅尼門。
	大悲陀羅尼門、	大慈陀羅尼門。
	大慈陀羅尼門、	大悲陀羅尼門。
	寂滅陀羅尼門、	寂靜陀羅尼門。
	諸言語道陀羅尼門、	語言道陀羅尼門。
		解脫陀羅尼門。
		普遍出生陀羅尼門。
		無著際陀羅尼門。
	方便非方便陀羅尼門、	方便非方便陀羅尼門。
	隨順陀羅尼門、	隨順陀羅尼門。
	分別陀羅尼門、	差別陀羅尼門。
	攝取陀羅尼門、	普入陀羅尼門。
般若	無礙實際陀羅尼門、	無礙際陀羅尼門。
	普陀羅尼門、	普遍一切陀羅尼門。
	佛法陀羅尼門、	佛法陀羅尼門。
	菩薩法陀羅尼門、	菩薩法陀羅尼門。
	緣覺法陀羅尼門*、(*此處次序顛倒)	聲聞法陀羅尼門。

附C10-1：入法界品善財童子五十三參之慈行童女說陀羅尼門之三

	六十華嚴(百一十七)	四十華嚴(百四十六)
般若	聲聞法陀羅尼門*、	獨覺法陀羅尼門。
	世間法陀羅尼門、	世間法陀羅尼門。
	世界起陀羅尼門、	世界成陀羅尼門。
	世界滅陀羅尼門、	世界壞陀羅尼門。
	世界形色陀羅尼門、	世界住陀羅尼門。
		世界莊嚴陀羅尼門。
		世界形狀陀羅尼門。
		狹世界陀羅尼門。
		廣世界陀羅尼門。
	淨世界陀羅尼門、	垢世界陀羅尼門。
方便	垢世界陀羅尼門、	淨世界陀羅尼門。
	於淨世界現垢濁剎陀羅尼門、	於淨世界現垢世界陀羅尼門。
	於垢世界現清淨剎陀羅尼門、	於垢世界現淨世界陀羅尼門。
	純淨世界陀羅尼門、	純垢世界陀羅尼門。
	純垢世界陀羅尼門、	純淨世界陀羅尼門。
		垢淨世界陀羅尼門。
		淨垢世界陀羅尼門。
	平等世界陀羅尼門、	平坦世界陀羅尼門。
	翻覆世界陀羅尼門、	高下世界陀羅尼門。
	伏住世界陀羅尼門、	覆世界陀羅尼門。
		仰世界陀羅尼門。
		側世界陀羅尼門。
	入因陀羅網陀羅尼門、	世界網陀羅尼門。
	迴轉世界陀羅尼門、	世界轉陀羅尼門。
	住相陀羅尼門、	世界各別依想住陀羅尼門。
		世界行陀羅尼門。
	小處置大陀羅尼門、	細入麤陀羅尼門。
	大處置小陀羅尼門、	麤入細陀羅尼門。
		大入小陀羅尼門。
		小入大陀羅尼門。
	分別佛身陀羅尼門、	見諸佛陀羅尼門。
	放佛莊嚴光明網陀羅尼門*、	分別佛身陀羅尼門。
願	分別如來圓滿音聲陀羅尼門*、	見佛光明莊嚴網陀羅尼門。
	佛正法輪陀羅尼門、	聞佛圓滿妙音聲陀羅尼門。
	生佛法輪陀羅尼門、	佛轉法輪陀羅尼門。
	分別佛法輪陀羅尼門、	佛法輪成就陀羅尼門。
	無壞佛法輪陀羅尼門、	佛法輪差別陀羅尼門。

附C10-1：入法界品善財童子五十三參之慈行童女說陀羅尼門之四

	六十華嚴(百一十七)	四十華嚴(百四十六)
願	佛辯法輪陀羅尼門、	佛法輪無差別陀羅尼門。
	向佛法輪陀羅尼門、	佛法輪訓釋陀羅尼門。
	能作佛事陀羅尼門、	佛法輪旋轉陀羅尼門。
		佛身普遍陀羅尼門。
		佛會圓滿陀羅尼門。
	向諸佛眾陀羅尼門、	能作佛事陀羅尼門。
	分別諸佛大眾陀羅尼門、	了知佛會差別相陀羅尼門。
	諸佛無盡大眷屬海陀羅尼門、	遍入佛眾會海陀羅尼門。
力	普照佛力陀羅尼門、	諸佛光照陀羅尼門。
	如來三昧陀羅尼門、	諸佛三昧陀羅尼門。
	如來三昧神力自在陀羅尼門、	諸佛三昧自在用陀羅尼門。
	究竟佛事陀羅尼門、	諸佛住處陀羅尼門。
	住佛所住陀羅尼門、	諸佛加持陀羅尼門。
	佛持陀羅尼門、	諸佛變化陀羅尼門。
	佛化陀羅尼門、	諸佛遊戲陀羅尼門。
	佛知眾生心心所行陀羅尼門、	佛知眾生心行差別陀羅尼門。
	佛神力自在陀羅尼門、	諸佛神通種種變現陀羅尼門。
	住兜率天陀羅尼門、	住兜率宮所作業陀羅尼門。
	乃至示現入般涅槃陀羅尼門、	乃至示現入于涅槃陀羅尼門。
	饒益無量眾生陀羅尼門、	利益眾生陀羅尼門。
	諸甚深法陀羅尼門、	入甚深法陀羅尼門。
智	諸莊嚴法陀羅尼門、	入微妙法陀羅尼門。
	菩提心色法方便陀羅尼門、	菩提心相陀羅尼門。
	菩提心起色陀羅尼門、	菩提心所從生陀羅尼門。
		菩提心助道相陀羅尼門。
	願色陀羅尼門、	諸願陀羅尼門。
	行色陀羅尼門、	諸行陀羅尼門。
	通明色陀羅尼門、	神通相陀羅尼門。
	出生死色陀羅尼門、	出離相陀羅尼門。
		總持清淨相陀羅尼門。
	清淨智色陀羅尼門、	智輪清淨相陀羅尼門。
	清淨慧色陀羅尼門、	智慧清淨相陀羅尼門。
	菩提無量色陀羅尼門、	無量解脫相陀羅尼門。
		念力清淨陀羅尼門。
	自心淨色陀羅尼門。	自心清淨陀羅尼門。

(返回第580頁)